

15039

重刊清平縣志

圖

貴州省圖書館

地360.

4254

貴州省圖書館

重刊清平縣志

卷一
祭譜暨義舉
公業附

清平縣志

土地部

輿圖

圖與書相爲表裏書註其真圖摹其似披圖而書了
然也清平彈丸邑山之險夷河之源委路之四會五
達郵寨屯堡之基布屋羅詳列於篇如觀掌螺亦大
司徒掌邦國土地之圖之遺意

地輿全圖

地輿圖



東北九十里抵台拱界

東至丹江界一百里

東南十五里抵

老鴉屯

干湘堡

雍州

馬跑井

山江堡

馬川

萬湖堡

龍昌堡

六個鷄

洛廣

洛那

清平界

臘梅塘

石關塘

王家

龍頭渡

翁嶺塘

山爐
老董塘

萬湖堡

臻洞司

岩頭司

翁蕩司

密息

鉛廠

排寨

排寨屯

開懷屯

光緒辛巳年重刊

清
本
國
餘
全
文

校對

劉世勳
吳鼎臣
劉本嵩
孫茂萸

採訪

羅雲章
王世臣
李克讓
羅銘鏞

顧世臣
羅永清
官錫恩



北引黃平界
里三十三

凱哨

棠凱
螭鱗

重安江

貝羅干庄

牛冲

西馬楊義
司界五里

江口

對江塘

平東
絕嗣

樂榜司

平良河

老關塘

五老峯

虎庄

都黎

洛仲塘

大風塘

洛登塘

小風洞

魚嗣

卡黎

出擺

苦李井

木級塘

石板寨

平樂堡

北清城
紅
學

五里橋

西南十五里抵平越界

翁了

養老田

將軍石


寨

自貴定縣城南月亮碕下脈由文德關經麻哈州之松蓬
山分脈折而東至螭螭冲又經磨爬塘出平越屬之折
港至邑舊城坡卽今治接脈也攬閭邑全局西不踰
西山南不盡三堡平良河界北排落河界東山江河
環繞其中而凱里尤爲里中扼要之地幅幘雖狹朗

若列眉

星野圖







河山地界星辰天界此言天所以必觀星也清平古
播州城史稱西南夷天西南星不越參井鬼並圖之
以備言天者

縣城圖


城當滇楚之衝羅仲洛邦諸隘口前後關鎰棋嶺仙山諸
佳勝左右侍從二水環流五老端拱建城於斯善矣第固
壘崇墉當有賴於守上者

縣城圖









聖宮圖





廡西

廡東



賢鄉



名宦



碑亭



碑亭



化生池



宮牆

序

於虜地豈不以人重哉黔一荒服耳自有尹珍北學
於中國肇豁蒙翳而耀光明至明而清平孫文恭公
出直接洙泗濂洛之傳一時名德鉅公爭相引重黔
遂居然鄒魯矣今彭大令清平縣志之修獨於公之
生平載之特詳毋亦謂非公不足以重斯邑乎余展
而讀之竊見公之服官則有實政以裨國是居鄉則
有懿德以懷人心而其論學各條詣深而識正體大
而用宏又皆有布菽粟之言人人可跂而及茲豈獨是
重清平實爲黔省重抑豈獨是重黔省實爲天下重

向使清平無公縣志且寥寥寡色矣然則大令之所
以爲地方計者其可不於人才加之意哉邑士民之
所以爲人心風俗計者其可不於正學加之意哉誠
能志文恭之所志而學文恭之所學則斯志之修爲不
虛吾道且重有賴矣庸僅一邑一省之幸而已乎

山

道光十有八年歲在戊戌仲秋月下澣撫黔使者善
化賀長齡序

新修清平縣志序

黔中理學名臣以前明孫文恭公爲最公固清平人
邑自有公邑增重矣第邑因公重公不因邑傳則志
不修之故也楠謂志不修匪惟公之文章事業不傳

自明迄今遙遙數百年邑之土地人民政事胥弗之

傳道光乙未春楠奉

檄赴清平本任詢悉邑志有舊稿無完書各前任議修
不果延邑明經鑑亭張子圖之鑑亭以爲非宰官自
爲主稿弗克歲事自度不敏適履任方新案牘勾當
差務應接卒卒無須臾之閒蓋遷延又二載矣歲戊

戊除緝捕事訟庭差覺清暇鑑亭集邑人士請主稿
力堅並出其編輯前郎中孫龍巖先生舊草讀之見
夫別類分門體段已具廼分採訪廼勸捐貲於文恭
公之祠置局焉簿書稍歇轍握管以商量輿馬方勞
亦調丹而點勘凡七閱月計刪削者什之三四增補
者什之二三稿易數番哀成全帙錄呈

大中丞鑒定蒙

賜并言始促付梓極知愚陋無所掩護亦惟幸邑自前
明拓壤垂五百年楠得偕邑人士遠紹旁搜一新縣

譜而邑之土地傳人民傳政事並傳卽文恭公文章

事業不盡傳而亦不至於無傳如是焉已矣若夫發
潛闡幽磨世礪俗無失史氏勸懲之微意後之人當
有起而任之者楠則安能

道光十八年十月下浣清平縣知縣彭泰楠譔

志序卷一

縣志原叙

王鏐

吾黔省志自開國來凡三修惟中丞青螺郭公黔記最詳清平無志載省志者僅十之二三耳考清平初關爲衛繼益以縣最後益以駐鎮三百六十年間若兵甲之強弱苗夷之馴梗生齒之蕃耗物力之盛衰與夫民俗之休戚隆替亦後世考鏡得失之林也夫今不圖後將安倣嗚呼此紫陽朱子所至必以葺志爲急急與天啟丙寅秋鏐以病廢里居戊辰夏偶與年友汪明卿談及衛志之缺不勝扼腕明卿以筆札屬余余自維寡陋無能爲役旣而思之志者志已事

也義先比事辭之工拙弗計焉因不自揣蒐之遺牒
詢之故老挈綱列目間亦竊附鄙臆釐爲伍卷凡五
萬三千餘言敢云彰往示來亦聊備一方之紀載云
爾至若衛事凋瘁軍民疾苦無論視開衛初相去倍
莛卽近三四十年間日甚一日未知所底譬之病者
將入膏肓急加醫治尙有可瘳否則殆矣篇中於此
蓋三致意焉覽者卽以鄭俠之圖視之亦可明崇正
二年己巳午月叙

縣志稿叙

王德澗

清平舊志予伯父清川公林下引疾時筆也自明洪武二年己巳至崇正二年己巳二百四十年事掣綱列目成一家言惜繡梓未幾遽遭秦燬予與三三同志纂續未逮閱癸酉歲邑侯新安許公幹召予與孫子龍章董其事先是衛篆王公天福奉檄修志以筆札屬予云黔新志青螺郭公手定後當以

國朝定鼎時爲始以故前朝名宦鄉賢人物藝文並崇正己巳至順治戊戌三十年事皆未編續予竊憾焉今幸邀賢侯卷注得遂初衷雖時異事殊而是非之道

在人去取之權在我除大綱要目一本舊章外計明
末至國初前後六十餘年補缺拾遺勉竭愚陋凡以
副先人修葺之苦心賢侯諄囑之雅意而已不尊不
信夫復何辭康熙三十二年癸酉十月叙

縣志稿敘

段之彩

事苟爲精神命脉之所寄雖當艱扼亦若有神物以
護持之而不微如余清平縣志邑副使王公鍊創之
其姪德潤公續之凡人物山川風俗政治罔不畢備
惟自康熙甲戌後事蹟缺如戊戌秋邑侯劉公以纂
修之事屬之蔣李二生操筆三月未及脫稿而前書
具存後之人必有起而任之者雍正乙卯苗變闔邑
藏書悉爲灰燼余弟之彪避難還家見泥沙中羣書
叢聚拾之皆隨手破爛惟邑志皮紙質堅濕之以水
逐一翻揭字跡依稀可辨執以授余余喜二生之精

神命脉在是闔邑之精神命脉亦在是宜其厯水火
之劫而不敝也爰告諸友時孫公玉禮司公聰五僉
勸余纂緝余不敏奚能爲役惟幸劫灰復然覆水復
收錄之補之以待後賢之修政云爾乾隆五年二月

叙

縣志稿叙

任必達

邑治設自宏治八年易土爲流與衛同城村落寂寥
土田磽薄環處悉苗蠻夙稱難治洪武初建衛立學
宣德中詔就雲南鄉試逮嘉靖間開科增額士爭濯
磨文物衣冠幾與華夏埒我

朝改衛併縣益以隣壤幅輳漸廣聲教宏敷並以一統

志頒布天下煌煌乎鉅典也邑舊有志叠遭兵燹迄

雍正乙卯苗變悉歸烏有達不揣固陋仿通志爲綱

八目五十編而輯之闕者補遺者增俾閱者得以究
心人物原本山川矚興廢之由來核治亂之顛末各

體文章固其餘事抑望任斯土者念衝道寂繁察民生疾苦從而休養生聚之從而詩書禮樂之化由躬率勞以身先行見民物熙恬風俗醅茂後之續是編者且大書特書不一書也閩邑幸甚乾隆五十八年

癸丑八月叙

縣志稿敘

孫錄

地不可無志志不可不修清平縣志自副使王公鈇創始其後續編爲渠姪德潤公又其後續編爲之彩段公雖筆墨不同而其記事一也自段公後暨今五十餘年邑之人未有起而續之者余去段未遠邑中事粗能記憶卽記憶未及亦可訪而得之失此不修後雖有博雅之儒著作之手亦苦於考證無因見聞莫及而此書廢矣因不自揣自乾隆十二年丁卯至嘉慶二年丁巳上下五十年間凡人物科名以及祥異有可記者悉記之並聞凱里任氏必達著有家稿

取而參之缺者補冗者刪訛者正疑者闕甘蒙掛漏
之譏不蹈附會之失書成名曰清平縣志續編凡四
卷噫林泉衰朽囊囊蕭條不能付梓以公於世後之
人得所藉手而修飾之剗剗之斯余之厚望也夫嘉
慶己未五月叙

跋

是役也東與奔奏凡四乾隆五十七年孫龍巖師倡
修東繕寫未就中沮道光五年師稿散秩東續補手
錄成帙十二年鐵梅譚邑侯議修東編輯方冀削正
旣奉調署定番州牧命東東稿隨之仍遷延不果十

四年正初東始歸竊揆衰朽殘年俄延歲月此生未
必復與此事矣泪桂觴彭侯履任二三年來謔庭清
暇惜邑無志東因率閩邑力請主稿毅然任之修飾
頻施昕夕罔間篇篇手定字字目成凡七閱月而稿

脫呈

大中丞鑒定奉批裁鑿清審紀載精詳並製弁言邑人
士匪地懽騰醪金付梓東濫效吹竽莫能補益惟幸
五十載屢興屢蹶之工我侯數月成之東及身見之
失之東隅收之桑榆蓋亦有數存乎其間也謹跋數
語以誌巔末

道光十八年歲在戊戌仲冬月下泮鑑亭張東跋

續刊清平縣志叙

段榮勳

邑之有志所以發潛闢幽正人心而維世道也豈僅
爲考據計哉清邑自前明孫文恭公出其文章事業
炳蔚寰區迄今人往風微而攷其遺績者猶流連慨
慕稱道弗衰此彭君泰楠修志於文恭公獨加詳焉
者亦此意也光緒己卯秋余捧檄署理斯篆詢及邑
志蕩然無存後晤張孝廉偉人以抄本見示云此係
上年孫谷山諸君照抄舊志者刻本不可得矣展閱
之下見一切土地人民政事條分縷晰燦然可觀嗚
呼灰燼之餘而縣志獨留茲一綫者謂非彼蒼所默

爲何護以彰前賢之德耶謂非文恭公之遺澤未泯耶
耶勲不敏於訟庭稍暇不揣固陋與偉人及劉輔周
諸君畧爲商訂付梓益將勲所詮義舉二十條章程
附於篇末非敢云修亦以誌不忘之意云爾

光緒六年端陽後五日

賜進士出身前禮部主事

運同壽署清平縣學魁補永甯州知州段榮勲敘

重修清平縣城記

曾紀鳳觀察

同治甲戌秋清平縣城成計距壬申仲冬經始之期
兩閱寒暑盖成功若斯之難也清平自前明置縣萬
歷時始築城

國朝乾隆間始得知縣劉樵修葺有加咸豐乙卯陷於苗
自是陸沈者十七年同治辛未大軍復城明年克香
爐山縣屬告廓清時余領師從事其間繼奉檄籌善
後方將修百廢規久遠而垣墉頽敗何以爲治乃請
於中丞曾宮保暨黎簡堂方伯林貞伯廉訪
舉而修之當開工之始也喪亂方平流亡未復每有

興作必召工於數百里外重以瘟癘流行死亡相繼
役者視爲畏途躑躅不前其鳩工之難蓋如此城基
沒荒草中迷離不可辨識舊石方正者苗運砌寨卡
存者零星疵類不中繩墨工人開山伐石率皆披斬
蓬蒿灰瓦鐵木大半稱是其庀材之難又如此曩者
劉樵之役動帑一萬五千八百四十餘兩此次極力
撙節費未及半而大兵之後軍餉方殷上款亦絀每
不能應手集事如是則籌費亦難始檄知縣楊熙瑞
董其事而以試用未入流汪澧佐之尋汪澧積勞死
楊令又交代去復檄縣丞文藻王福咸接手經營之

事變所值疊有更端如是則課人尤難以厯次監督
之人處萬分奇窮之費鳩工庀才卒底於成蓋成功
若斯之難也功成計高一丈五尺周圍七百三十丈
月城又七十丈有奇墻堞炮台門洞闔樓規模悉備
煥然一新於是邑人士樂觀厥成謂宜有記余維觀
成之易當知創成之難知創城之難乃無患守城之
不易清平東西雜夷寨南北之滇楚扼苗疆之吭居
大道之中城雖葺爾闕繫實遂能守則全驛資保障
否則百雉皆冠壘故前之城猶是也毀之已如彼其
易今之城猶是也成之乃如此其難後之君子思難

長沙縣志卷一
圖易集眾志控苗情規度遠大必有所以鞏固金湯
者其無墮創城之難乎謹記之曰同治甲戌秋七月
清平縣城成

復清平縣舊制記

城池所以表雄圖衙署所以宣治化二者均不可廢也清平自咸豐乙卯逆苗蠢動城署廟宇皆付劫灰瘴雨蠻煙淪沒十有八年矣

同治庚午冬余隨周涓臣軍門督川師援黔壬申

夏克復爐山苗疆底定是秋奉檄權知斯土見荆榛瓦礫蒿自悽涼所居茆舍三椽不蔽風日邑人士殷

勤進謁力請通牒大府發帑金修建城池官署以

復舊規是冬之初鳩工負土木先行創建衙署一座自東西轅門達大堂入東西廳至內堂凡三十餘楹

照壁圍墻厨室菜園靡不周備八越月落城余攷是地爲前明縣署舊址明率改建

文廟於茲而官署建在城之南隅卽

文廟舊地兵燹後化爲烏有此次仍沿前明舊制從邑人士之請也行見城工歲事

聖天子醲化芴洽邑之人沐其教養生成者余將拱手以觀百廢具興矣後之覽斯記者其抑慨然念荆始之不易也夫

同治十三年癸酉夏六月知清平縣寧丹鄉楊熙瑞記

并撰

歲壬午春予奉

檄來宰是邑見夫萬山環峙之中漢苗雜處竊處人心頑梗俗尚強悍治理頗不易爲及接任後問俗採風乃知耕讀者蒙業相安貿易者營生罔懈噫何干戈戎馬之後而風氣之猶近古歟嗣與邑人士相接晤詢及縣志幾經兵燹亡而復存展閱之餘凡一切疆域之形勢戶口之屯集物產之蕃昌莫不燦然具備且其間之卓卓可傳者或以文章經濟或以節義忠貞更指不勝屈未嘗不嘆我

朝教化之所及固不遺僻壤遐陬也是書凡六卷至光緒已

卯經前任段君建廷重爲脩輯益以祭譜義務舉田二
條共成八秩要皆地方之切務因與在籍紳張孝廉
偉人諸君公同商酌急爲付梓俾成全璧不惟於民
生政治大有裨益且使後之官斯土者亦覺考證其
加培植斯風俗蒸蒸日上庶能於

國家設官分職之意吾人善俗宜民之方或可無相刺謬
云

昔

光緒八年歲次壬午清和月署清平縣事楚北

喬晉福謹叙

續輯清平縣志叙

孫茂樞

凡事爲祖宗所勤勞者至時移世變不必皆爲子孫所繼續余清平縣志則異焉雍正乙卯之亂羣書俱墮劫灰廩生段啟新高祖之處公獨於泥沙中得之咸豐乙卯清邑又罹兵燹王君寶山存有一部段君杏江亦購得一部蒙泉碩果於是賴焉方今黔疆底定人民奠安發潛闡幽端賴志乘

上台於省垣設紀事局檄採訪呈報並發給薪水銀百餘兩同邑友以紙筆屬余余流離初歸大擱筆硯寸楮灰燼考證良難何敢爲役因思邑志自明副使王

公鎮劄修逮我

朝定鼎余太高伯祖龍章曾與公任德潤續爲修輯嗣
後道光新修縣志付梓雖經彭邑侯張明經手訂又
實本余族祖龍巖遺稿欲倣矩矱於高曾每嘆文獻
於祀宋幸得王君等舊志備悉道光十七年前土地
人民政事煌煌乎備載簡端矣此後事實又余與邑
父老耳熟能詳者爰偕同人互相訪輯增補竭心
力知蒙續貂之譏竊叨附驥之幸隨輯隨呈恭祈
鑒定庶祖宗勤勞得遺編而永延於不墜云爾

改修文廟記

孫茂楹

功莫要於培文風事莫切於復舊制清邑在前明時
學宮南縣署北人才蔚起甲于滇黔文風之日盛舊制
之得宜也自舊制甫易文風漸衰由明及今二百餘
年矣咸豐乙卯苗匪猖獗丙辰城陷祠宇灰燼先君
當流離遷徙之際每以復舊制爲諳諳辛未冬櫛自
京還聞清邑將復由畢陽抵省稟

藩憲黎請於復城之日仍復舊制以培文風蒙

批仰候轉飭清平縣核奪辦理在案隨以稟批交同
邑孝廉張君偉人囑以復城時務成全此事偉人曰

此杰素志也既有同志自當力謀壬申清邑復偉人
奉

曾道憲札委辦清平善後事宜屆冬之裡歸省稟縣署
已於城北興工各復舊制慶何如焉甲戌秋又自北
還過清謁

會局憲談及

學宮重務經費維艱 公欣然捐金貳百兩並牌示以

借民瓦價六百九十餘金公欸爲經費糧團與城鄉

局段杏江諸君商議擇九月七日興工林宋二廣文

亦與其事逾年大成殿工竣其間賣公田捐助欸一

切會計出入則段杏江主之規仿式樣量度地勢鳩
工庀材諸事則有吳子美王伯勳石良卿黃子文段
立齋孫鶴亭李祝三王登五熊渭臣雷輔臣陳燦輝
劉承恩吳乃猷諸君濟濟從事櫛日在病中不克勤
事比病愈又承諸君延主書院一席雖間亦與聞覺
抱歉殊深矣然幸舊制復文風培行見大啟人文蒸
蒸蒸日上羣仰副

聖天子興學育才之至意以爲清邑光盈以見
會局憲之功德不朽云

重修學宮記

學宮爲一邑之要匪微鐘鼓辟雍崇隆盛典抑將蒸
我髦士廣育人材以爲邦家光壬申春杰借馬君瑞
亭奉

曾道憲札委辦善後竭蹶赴清時蒿林滿目搭蓬生
理者落落四五家淒涼景况不可終日幸大均一戰
成功爐峯旋靖稍獲安枕未幾瑞亭旋省杰與景太
守晴嵐創草屋一棟設局趨事真所謂慘淡經營者
癸酉

上憲檄李司馬兆奎勘縣署基址杰因得以復舊制

然舊制雖復時勢維艱興修匪易不得不從緩圖甲戌邑人士漸次歸來迫於興修擇定冬月暨大成殿杰聞之竊念地方要務關係匪輕未可苟且與舍後委員會明府友山侄少君鳴懌商之素知渠擇選專家也會君曰坤艮坐殺向殺期亦欠吉烏可用杰請另擇一吉期且告之云眾首公意在速建遲恐中變但交明年節爲便會君輪指云明正某日亦可用杰乃婉商諸公在事亦力爭期始定益得移低一層而欲改丁癸向之說亦息因思杰之來爲地方計爲復舊制計耳此事幸有定局遂力辭

道憲而去優游林泉已六載矣乃 唐邑侯惕園三

次函召情難過却謁之事甫定唐公又去己卯冬

段邑侯建廷復函召孫孝廉谷山亦疊函相約不能
力辭只得勉竭心力而谷山又北上幸有劉君輔周
諸同志遵置候諭於庚辰正月設義舉局一百將礪田
清釐一亩籌商經費適九寨會長等有懇選存絕業
二千餘挑餘田賣修甃城之稟蒙

岑宮保批准如數給還餘田作爲地方學校之用等
諭衆議此田不賣終難清理不全賣亦歸烏有不如
賣之以遂其欲而籍成其事洵好機會也隨稟商

邑侯傳九寨會長壘葺然承買共得銀叁千柒百餘
兩乃鳩工庀材擇日興工因地勢高且濶得難收拾
兼另闢一基修文昌考棚昭忠節孝等祠需費多而
工程浩繁逾年始告竣雖未能備致精工然泮水芹
宮規模庶稱具焉是舉也擗擋一切任怨任勞則輔
周達三兩君之力居多經理出入至公無私則有李
君靜菴木石專攻清理畫一則有劉君岳生督工監
工則有曹貳尹錫之聶廣文成之杰身與其間惟是
效馳驅隨照應以完此美舉而已前唐邑侯函有望
君發棠之語杰固難免然悅之笑笑之均所不計所惜

始事者未能斟酌盡善形勢稍偏而未得其正不免
美中不足之憾豈天地之精英未可盡洩特留以待
後來歟或有數焉存乎其間非人力所能強也特是
清邑在明時人才蔚起甲於滇黔聲名鄉光昭志
乘然剝極必復從此復舊更新安見不秀毓靈鍾科
甲蟬聯皇皇乎後先輝映哉至所修理諸事已備載
學宮圖末茲不贅

光緒辛巳蒲月龍山里人張時杰謹記

文昌奎閣昭忠節孝各祠記

文昌魁星廟貌遍天下以其爲司祿之君主文明之
運臨場助筆之神也然則殿宇之必修也固宜學宮
右側有基一幅焉雖不甚廣其位屬離可以坐文昌
有鐘鼓樓焉雖不甚高其架易移可以作奎閣邑昔
有考棚應試者免費棹橈之勞考試者足嚴闕防之
令則考棚之必修也亦宜又有餘址立節孝祠所以
崇風化也益立昭忠祠所以慰忠義也則兩祠之必
修也又宜况奎閣在震爲學宮文星培風水崇祀典
益人事勵風俗一舉而四善備矣烏乎不爲烏乎不

速爲僉曰然乃量其地乃闢其基乃建其宇閣之上
供梓潼閣之下後厓供文昌先代前作考堂階以下
兩旁爲號坐留餘地以待後來對面爲龍門再出爲
奎閣路由閣下行中門一道直進考堂奎閣外設甬
牆牆右爲看司房牆下卽節孝昭忠兩祠而設一門
以總出入因顏之曰揚名所

崑

光緒七年蒲月龍山里人張時杰謹記

跋

縣志之有裨於地方尚矣今幸紅羊劫後書牘猶存可以攷政治之得失可以明治亂之始末可以洞一邑之利弊可以驗風俗之盛衰可以悉歷代之人物可以彰德行之幽潛可以知山川之名勝可以徵物產之細微關係匪淺是烏可不刻哉壬申亂靖後

上台在省設紀事局檄府廳州縣採訪一切事實呈報於誌書實加意焉孫孝廉谷山會同邑諸友曾採輯而上之茲舊志刻本不可得第得抄本六卷其間有於各項志中接馮今事者眉目似覺不清所採輯

者亦無多俱係粘條零落茫無次序遺漏與否均不可知爰與劉君輔周諸同志商議志書爲一邑之精神命脈於今不刊後將吳侯因稟商 邑侯段公建廷

所呈義舉章程二十條既允發刻以資家諭戶曉宜將縣志合爲一書刊而行之以廣流傳斯爲盡矣

邑侯欣然首肯曰諸君此舉良佳如經費可濟亟應酌行益製弁言於是檢閱抄本拾遺補闕刪冗正訛各舉所習見習聞者以增附之與谷山諸君所採者統以續輯二字別之另列舊志各條之後庶免混淆

惟是志不敷增減恐畏前輩雅意唯夷語數則其文

不雅馴縉紳先生難言之悉從刪去陳明 邑侯
深以爲然是役也因公務繁冗而專在速成不克從
容再行採訪難免脫畧遺漏之譏然文人學士不乏
代興後之人必有起而行之者書成特標之曰重刊
清平縣志而以續輯付筭末云

出首

光緒七年桂月龍山里人張時杰謹跋

清平縣志

凡例

一志書門類甚繁無以統之則散無以貫之則淆蓋
子曰諸侯之寶三土地人民政事百里縣治卽古
侯國志卽傳述此三者也茲倣閩中宣化縣志以
三者爲綱各類爲目庶於義類有所統貫

一目錄別類分門類有大小小者不得專門當以類
附如氣候附星野形勝附山川之屬是也至各門
中有附一二類者有附四五類者並有一門全
附者蓋類不厭多不類不厭少與無也

一舊例以郵傳附疆域關哨津梁附山川然山川乃
天地自然之位置關津則王者慎固封守利用前
民之制庶人之所爲與天之所設不同至於郵傳
通達道路與關津一例今合附城池以昭畫一
一稅與賦等鉛有稅舊志鉛附物產今改附田賦
一物產各志皆析其名類辨其色味箋註甚夥茲志
因幅仄未及纂輯

一學校他志有以

聖廟列入祠祀舊例改載學校不與山川社稷祠祀並列
誠爲允協至臚列諸賢姓名士著經傳皆有姑從

裁減

一坊表

國恩所係風俗所關舊志多缺今補入

一署任職官舊志概不列然實有德政不可略也今

一一紀載

一行伍遵例業登仕宦之途卽屬王國之彥今自鄉
賢宦蹟忠烈孝義文學隱逸善行外增此二條統
爲人物志

一選舉以鄉會兩闈之人穀者當之固也然恩拔副
歲等貢亦從萬選中來今附入

一列女舊志多載題旌者但苦節淑德苟有其人均屬可風今載未題旌者較多非略前詳後也前無考故略今有徵故詳

一節列婦女舊志以父夫名冠本人姓字上未分主從蓋紀婦女不得不及父夫是父夫因婦女得名先紀婦女後叙父夫主從方覺分明近考河南陳留太原等縣志亦然

一墳墓凡志祇載名墓其人仕版而無偉烈者概不錄顧當時則榮沒則已焉亦人生恨事也茲不拘品級但登仕版者悉錄之

一苗蠻舊例附風俗但土司爲苗蠻設今改附土司
一藝文舊志首載

聖諭大哉王言爲各省臯縣金匱所珍藏賢有司月吉所
宣講天下之公非一鄉一邑得而私之也故不敢
又藝文中如孫文恭公寄友瑣言本應另梓因其
書係寄清平會友志故採入

一建置沿革可數者不滿十則流寓仙釋方技多者
不過三四人文藝諸體未備一則邊土事簡一則
兵燹淪亡又事與邑不相涉者毋濫毋繁不敢羅
列以眩觀聽

一志錄善不錄惡但世少完人苟有一節之美亦必
採入善善欲其長也

目錄

土地部起輿圖訖物產目凡七

輿圖

星野氣候附

山川形勝附

建置沿革

疆域附

城池官署關梁津渡驛舖坊表附

古蹟塚墓附

物產

人民部

戶口里居場市附

秩官

選舉貢薦例封蔭世襲附

人物名宦鄉賢忠烈孝義善行文學仕蹟行伍隱逸烈女
流寓

土司苗蠻附

仙釋方技附

政事部起田賦論雜記目凡十

田賦鉛廠附

經費賞卹附

積善義舍附

學校書院義學附

風俗

祠祀寺觀附

兵防師旅考附

藝文

祥異

雜記

星野

黔居天南之末清平南天一小明也分野豈有專星
考滇黔諸志清平在都勻西北界平越黃平星爲井
鬼爲參井立論不一而躔次所屬氣候物饒習聞之
未可畧也爰著其說而圖其象云

蜀分井鬼

見漢書
清平凱里

古播州地明初隸四川布政司

黔連蜀近荆州屬鬼柳郭記

清平都勻興隆俱井鬼分

沈思充志
興隆卽今黃平

都勻平越貴陽安順大定遵義參井分野通志
都勻府俱參井之餘謝東山志

按清平屬於都勻府北距黃平州界三十里南距
平越州界十五里又南距都勻一百二十里邇平
越黃平而遠都勻星野似當以沈志爲斷蓋清平
凱里原與平越黃平同爲播屬地蜀楚連地并鬼
連度若參則隔并不與鬼連於其邇者連者決之
近是並存列說於右

氣候

黔地窳而土瘠氣沴而候愆不可以中州例也嵐氣
上蒸膚寸之雲卽能致雨故有漏天之號山高箐
深虧蔽日月一日之間乍寒乍暖百里之內此燠

彼涼田功三月始犁四月播種五月插禾九十月
納稼東作稍遲則苗不茂夏初無雨則收必歉入
秋有大風則秀不實謂之青空農民歲入除正供
外恒不敷食所賴山坡曠土雜種燕麥菽麥水稻
旱稗之屬以佐饔飧其亦氣候使然歟通志

貴州北近蜀南近粵冬不祁寒夏不盛暑四時多雨
少晴雨則寒晴則暖夏則晝熱夜涼田功之興遲
於中土至花之開果之熟百蔬之成比中土差早

通志

都勻東南近粵嵐瘴差甚夏秋間商旅疑畏不行今

亦不甚忌其耕獲則比他郡較早

清凱雖一縣氣候互異凱城地濱劍河低濕差暖農
圃樹藝亦差早清城

建置沿革疆域附

清平元以前南蠻荒服也播州酋長領之未入版圖
前明裂其地而衛縣焉其裁併專設殆亦時勢使然
歟

唐以前無攷

宋爲合江陳崇二州

元爲麻峽地

明洪武中置清平堡仍附麻峽二十三年改爲衛隸
四川布政使司永樂十七年改隸貴州布政使司
宏治七年鄧廷瓚請於衛設流官與土官兼治八

年革清平長官司爲縣與衛同城隸都勻府正德間以四川之安寧安撫司改爲凱里來屬焉

國初因之康熙七年裁縣入麻哈州十一年復置縣裁清平衛入縣以新添之舟行長官司來屬十一年革凱里安撫司併入縣雍正十二年設縣丞分駐凱里乾隆二年以鎮遠縣之臻洞司來屬

疆域

清平縣在省城東二百五十里距都勻府一百二十里由縣七千四百五十里至

京師

東至丹江廳界一百里

南驛道至平越州界十五里

西至平越楊義司界五里

北至黃平州界三十三里

東南至麻哈州界六十里

西北至楊義司界十五里

東北驛道至黃平州界三十里至台拱廳界九十里

東西廣一百三十里南北穿一百里

皇朝詩林卷一

一

三

城池官署郵傳站舖關樂津渡坊表附

地險山川邱陵也清邑有葛貢老鴉爲城平良三江爲池藩以凱城鎖以關渡洵黔南之巖邑與第遷建補葺今昔各殊詳著於篇以資考據

清平舊爲堡所築墻捍蔽舊城坡卽其地也墻壕猶存明洪武二十三年設衛指揮司鐸遷今地築土城宏治八年設縣與衛同城仍稱清平衛城萬厯四年巡撫羅瑤請帑銀五千三百兩叅將侯之曹建石城週圍七百四十四丈高一丈門四

國朝康熙十一年裁衛歸縣苗變城燬乾隆四年總督張

廣泗請帑銀一萬五千八百四十餘兩知縣劉樵
修石城城基城門週圍丈尺仍舊制高堅過之有
記見藝文

續輯咸豐五年苗變城陷牆垛俱被掀挖同治十一年
奏辦下游善後會觀察紀鳳駐節清城請欵照舊
修建惟改南門於舊處而城中十字街並復舊制
焉

凱里城舊爲安撫司地築土城乾隆四年同邑城請
發帑金建石城丹江通判王呂董其役週圍七百
六十五丈門四

續輯咸豐六年先清平城燬今亂石猶存

官署

清平縣署舊在南關外長官司治明隆慶四年知縣楊度遷北門內行都司署萬曆二十年知縣楊明禮改遷倉基二十三年知縣魏自強改建於南地雍正十三年苗變燬乾隆四年知縣劉樵領欵監修仍在舊址其地高而濶坐南向北倉儲在西馬號在東署內東西有花廳而西花廳尙宏殿各憲星駕往來蟾幃常暫駐馬

續輯乙卯苗變燬同治十二年亂平知縣楊熙瑞領欵

嘉志卷一
三三
改修於北門內學宮地坐北向南得嚮明而治之義
從邑人士請也規模備具倉場在左馬號在後而行
台在署外之右雖隔一街而辦差猶便

教諭署學宮左前爲明倫堂

續輯同治十一年遷於南建修三進申爲明倫堂在學
宮之右

訓導署舊在聖壽寺左廢察院分司地嗣因傾圮遷
學宮左下於乾隆五十七年吳太守民秉徇僧如茂
清將前址捨入聖壽寺

續輯前在今典史署地同治十一年移修於南屋二進

兩箱在正學署之右

典史署縣署右乾隆三年移城南門左

續輯光緒元年典史楊瑞常顧欵監修遷縣署前之左
下即前下學署地

把總署西城內乾隆四年建

續輯同治十三年把總竄興發領欵監修己卯把總田
新年移換

外委署把總署後乾隆四年建

續輯咸豐苗燬今遺址在焉

縣丞署縣治東五十里凱城內乾隆四年題建縣丞

姚孔鎧監修

續輯乙卯苗燬同治十三年縣丞楊菊仙領款監修
都司署凱城內乾隆四年復設

續輯咸豐苗燬同治十三年都司陶萬泰領款監修
存城千總署凱城內

頭司把總署凱城內

二司把總署排養汎

爐山汎外委署在爐山

清平十景

雙童立雪城東北一里即雙童坡兩巒拱峙如束髮

青童

五老餐霞城北二十五里卽五老峯蒼巒峭嶂排列
青空

天榜書雲城東八里卽天榜山石壁高列如懸榜
文筆摩漢城東四里三峯秀削如筆

老君僊宇城東十五里卽老君洞

木級天梯城東十里卽木級塘道旁樹根夾出巨若
階級步步引人

二水帶流城比一里左右溪水如帶合流而下

三仙石花城北三里岡頭三石如人俗呼石仙山

爐峯烟雨城東三十五里狀如香爐巖石危峭早晚
雲霧千態萬狀莫可端倪

風洞雲林城北十五里卽雲溪洞洞外雲林如畫遊
人題詠甚多

山川形勝附

爐峯凱水清平山川之尤外此山重水複山峙水滄
隨在均有而蜿蜒鬱積之氣鍾爲人物其靈秀較異
尋常匪特壯登臨資灌溉已也

碁盤山城東三里一名東山聳峻嶺頂有平石可
坐數十人

馬鞍山城東六里

天榜山城東十里石壁如張榜旁有筆架小華望城
諸山

香爐山城東三十五里形圓若爐三疊而上初層微
缺崇正十五年李若星築城內有城隍廟聚而居
者百餘家中層結廬較少路左觀音洞洞有石瘦
於笋高二丈許前明叅議蔡潮攻苗毀其巔有井
深黑時作波濤聲水伏流三十餘里出重安江昔
人以糠投井中往江側驗之不謬再上曰南天門
即此山最高處頂寬平可容數萬人有靈官殿玉

皇閣文武二廟閣後有棋盤石泉十數處不溢不竭產白芍羊藿五加皮薄荷惟雲霧茶最佳不可多得山四面壁立祇一線通若塞之雖攀藤附葛不能上其絕頂處俯瞰眾山直兒孫等土人云八萬兵馬圍半邊又可想見此山之大有水會山江大河達龍頭河洪亮吉府廳縣圖誌以山江河發源於此殆沿明史之誤耳前明苗據爲亂嘉靖間移衛中左所兵防守建倉其上遺址尙存今苗民向化惟初層設外委汛餘詳兵防

廬山城西三里形如廬俗名蘆底山西北山之祖也

葛貢山城西五里

石僊山城北三里山頂有三石屹立如人山巔見爐
山前明蔡叅議潮平爐山苗嘗登焉上有蔡生祠
遺址僧茂如建梵刹種佳樹爲城北巨觀

雙乳山城北六里兩山並峙如乳一名羊角山

雙童山城北三里中爲玉屏山兩山分峙左右如人
王家坡城東一里

觀音坡城北二十八里

龍王坡城南五里圓嶂屹立竹木環繞上有龍王廟
禱雨輒應

木級坡城東南十里樹根盤錯如階級明時黃蠶出沒於此爲戍守要地

烟墩坡爐山前前明征苗於此山置烟墩瞭哨故名木案山在凱里城南前明一統志載茂林修竹青翠如屏障

水箐山凱里城南十里石峯矗立如劍俗稱石薦貴人山

鉛山凱城東南賴子坡葛藤坡龍井寨永興廠老鉛廠均產黑白鉛礦又名鉛礦山

老鷹島巖城東三十里

烏郭坡凱城南五十里入丹江大路又東有平寨坡
均險峻

白馬壘在拔茅堡西陰雨溟濛中遙見白馬在上遊
近之不見故名雍正十三年苗叛紮營於上今營
址猶存

文筆山在拔茅堡東秀峭如筆上插雲霄迤邐而下
結成飛鳳投江出水半月爲堡水口

紅巖在拔茅堡西赤壁百仞水環於下夕照色更佳
玉屏山在拔茅北爲堡朝山狀如屏半壁中有石柱
高丈許俗呼將軍石頂前小樹一株不見長枯如

花插頭然

續輯白巖有三在淑里堡良田壩平地特起截然半壁
高百仞一在萬潮西北

翁巖在翁家寨左石壁屹立下臨深溪

二壘巖在城東十里

獅子山在城東南五里形如獅首尾俱備

老鴉山高聳雲表香爐山脈由於此高峻相埒而無
爐山之奇

城河明指揮司勳引溪水入城以備不虞今淤

西河西城外水源出洛邦由上堡過五里橋繞城西

環北門橋而下與東流相合

東溪由下水井蓮花塘經東門繞城而下與北溪相合爲二水交流

山江河城東五十里源出都勻城北合雞賈河經卡鳥淑里下司始滙山江河下流有小溪源出老鴉山脚及望春坡

平良河城北三十里貴定麻哈溪水會平越之楊老流邑之狗窩經平良下爲黃平重安江

老董河城東南三十里源出甕壩山下爲平路河入重安江

龍頭河凱城西三里卽山江河下流會重安河過巖門司勝秉石碕景瀟三碕革東長灘清江既口亮江茅坪湖南之托口會鎮遠府沅州河於黔陽縣城南達洪江

洗馬河凱城東門外源出臻洞司鉛礦山

凱里河凱城南源出木寨山下

舟溪河凱城南西二十里經麻哈卽洞下貫穿巖

翁牙河凱城南西十二里源出翁牙寨會舟溪河

排洛河凱城南四十里源出丹江牛皮箐經小丹江

下爲平寨挂丁河入台拱之台盤長潭望甫等寨

合於勝乘

翁蕩河凱城東北四十里卽重安江下流

凱旋溪縣城北三里上流卽小風洞

灣溪凱城東五里卽巖頭河下流水深數十丈

翁溪城西北十里

官潭凱城西南十五里卽龍頭河上流潭長八里魚多聚之

花橋河在隆昌堡西與麻哈連界有平橋觀音閣下流卽淑里堡後河亦有平橋水達於勻江

長坡河在拔茅堡東石礮三洞下出淑里堡前向有

平橋二洞水逕勾江

南山河源由下堡繞洛廣出甃南達於下司之大江
野鷄潭凱城西五里水深數丈

濟生池縣西城內明鄧指揮開鑿正統間苗賊圍城
凡四十日軍民賴此獲甦今作田

皮井縣城內十字街旁水清味甘載一統志與續廣
事類賦後堙塞道光十三年縣令楊書魁復捐浚

魚梁井縣城北半里

楊柳井縣城南一里

龍井縣城北十里出洛登峭山下

龍泉井凱城北門外一名天家井源出石峽水冬溫夏涼不盈不竭溉田數十畝

金井凱城南相傳昔人於井獲金故名歲旱取水禱雨屢應

洪水塘縣城南五里水四時不涸亦不澄澈故名
葛貢蓮塘縣城西北五里

三腳塘凱城南十里水箐山下前人築此塘蓄以溉南壩之田

蓮花塘凱城內前明土司種蓮塘中今改田

巖頭寨大塘凱城三里舊爲休佬養魚塘叛後歸官

改作田

東門壩縣城東門外前明衛縣官倡修石壩蓄水以
便民人

官堰凱城東五里舊築堵水溉城內中壩之田苗變
堰毀乾隆元年經畧張廣泗發帑築石堰

溫涼井爐山山半水冬熱夏涼遇久旱湧流倍常

雙流井爐山頂廟宇下有碕深二丈餘垂石乳二各
出清泉其流上分下合供寺僧煎汲

望天池爐山頂閣左有巖二層中裂一縫時出清泉
雨不盈旱不竭

石關井舟溪石關口路下水日三潮漲則濁消則清
龍塘凱城南二十里四面皆山地約十餘畝水深莫
測塘畔蘆葦叢生時出雲霧魚百十結隊出面浮
淤舊有漁者多不利以故人莫敢漁下有田數百
畝賴水灌養

形勝

老君洞城東十五里黃茅山下洞高十餘丈濶如之
中懸一石色類古銅花鉢瑩澈圓勻孔當其中滴
水不竭味甘冽洞左循級而上有石室石牀又左
通一徑有天生橋長十餘丈橋下有泉秉炬至此

豁然天開洞中石竒狀甚多遊人士有詩記

天然洞城北七里一名小風洞又名賓陽洞明嘉靖
間都督石邦憲始闢之洞中石乳倒垂如蓮花萬
朶僉事田汝成邑御史王木益有記提學吳國倫
有詩勒石今蘇蝕矣

太極洞在天然洞上凱旋橋一帶田畝賴洞水灌養
雲溪洞城北十五里一名大風洞下洞繚而幽靈竒
萬狀中洞別有洞天四字不知鑄自何人然洞徑
出揚老西

續輯洞上昔修有廟宇乙卯燬今仍修復下洞中塑有

觀音像洞上邑侯段建亭於洞門上石刊雲溪洞
三字

觀音洞在爐山頂半甚宏廠中有石筭相傳明景泰
二年苗賊韋同烈據山叛夜間石筭放光參議蔡
潮用木榔機擊斷尋敗之崇正甲戌年指揮顧德
政於石筭下塑大士像道光八年國學顧勳建閣
燕子洞在樂榜司洞分上下上洞有石筭挺立高交
餘下洞石乳滴注成池歲旱人多汲之洞口石狀
如龜趺監生陶宗藻塑天士像於其上

仙人洞在凱城南十里洞寬平可容數百人中有石

巖陡絕不能下然炬燭之有石柱石田水聲轟擊
森寒逼人相傳昔人修煉處

龍口石在石板寨側狀如龍首昂曰空嘗有雲氣從
石口出

牛角石在石板寨路旁崇丈餘廣稱之有二孔相去
咫尺吹之一清而長一濁而短舉人孫懋昭有記
將軍石有二一在城西三里一在城南三十里龍場
路旁皆平地突起高十餘丈

搖石兩石竄疊如磨隨手撩撥輒動搖有聲若二三
人力撼不能動理之不可恒測如此

穿巖凱城西南十里兩山盈峙石橫直若橋水流其
下亦名天生橋馮學醇有記

天生橋有四一在西門外一在老君洞一在穿巖以
大泡木爲最泡木橋離城十五里曲巖高聳勢若
長虹去橋十步許石洞宏敞口向下四周石壁陡
不可階垂綆下丈五尺底濶而平人約半里有石
類牛當其垠歲旱鄉人禱雨醮飲橋下刑牲草束
毛糞用鬼師卦卜衆之吉者六人四執金鼓火具
二囊鷄卵百餘引繩垂下舉火鳴擊彈卵進置毛
糞石牛口間火鳴如前彈卵向後疾奔洞口引綆

上驟雨狂風踵至歷無虛禱

移泉在下甘冲此右泉出無定米價昂泉上出價低
泉下出里人憑以下米價

瀑布在飛水砦腳城西北二十二里懸巖十餘丈飛
流直下宛如白練

續輯

水簾城東三十里之望春半坡水由巖畔飛下數丈
如垂簾然亦奇觀也

衛千總署凱城內

公館縣南城外乾隆四年邑令劉懋建置令地有記
見藝文

續輯南門外基址尚存今總辦下游善後曾屢欵建
修於北門內

郵傳

清平驛縣南城內上至楊老驛三十五里下至重安
驛三十五里縣令管理省志載明洪武十三年設
翁靈驛明初闢大路原自偏橋至翁靈由黃平達
平越道里捷近兼可免重安江阻水後改由重安

達清平距省城差遠改而仍復嗣藍賊叛道梗仍
改由清平兼以黃平土司欲卸差使詭移彼地無
水遂不復矣志之以俟採擇

續輯前在城南今遷城北在縣署後

按貴州通省於順治十五年設二十四驛每驛額
設官馬五十匹馬夫二十五名一切馬價草料藥
蹠鞍屨馬夫工食差使供給俱於馬館秋糧內動
支康熙二十四年巡撫碁天顏題將龍里等驛裁
去馬五匹馬夫二名惟省會皇華驛仍舊每季補
馬七匹每匹原定價銀二十九兩五錢五分雍正

三年署撫石禮哈題照雲南廣西例每匹價銀二
十二兩乾隆二年總督張廣泗題照雲南省馬數
增添彙欵首尾馬十四匹馬夫五名各驛馬五四馬
夫二名每馬日支豆草銀五分馬夫每名日支工
食銀四分遇閏加增小建扣除穀糧停支乾隆三
十年巡撫題請馬價每匹給領銀十八兩

清平站在城內縣令管理

按貴州通省各站明時俱以衛所站軍扛擡

國朝順治十五年用州縣協夫運送餉糶康熙八年總督
甘文焜題請禁用協夫每站僱募長夫一百名應

差每夫日支銀一分五厘米一升通行各站勒石
垂久十九年因恢復遞運浩繁仍用協夫二十四
年巡撫慕天顏題請禁革二十八年巡撫田雯題
請每名給紋銀壹錢外加食米肆升乾隆二年總
督張廣泗題請每站僱募長夫百名每名日給銀
四分遇閏加增小建扣除

舖夫

在城舖夫五名

洛邦舖夫四名

蠟梅舖夫五名

洛登舖夫四名

以上四舖縣令管理

凱里在城舖夫六名

爐山舖夫四名

老董舖夫四名

木級卡舖夫四名

掛丁舖夫四名

開懷舖夫四名

排落舖夫四名

以上七舖凱里縣丞管理

按貴州通省舖夫專供遞送公文

國朝順治十五年定每名日支米一升康熙九年巡撫佟鳳彩疏請每名日增銀二分十九年恢復後定爲日支米一升銀一分乾隆三年總督張廣泗題請通省偏僻及古州等處添設舖夫仍照舊例每名日給銀一分米一升遇閏加增小建扣除。

關梁津渡

羅仲關城北二十里

老君關城北三十里

烏耶關城東南九十里凱城南四十里爲丹江凱里

要隘

山江渡城東南五十里通麻哈平定司

石繞渡同車渡城東南五十里通麻哈丹江

老虎苗渡城東南六十里清邑往舟溪要路向係灣

溪視腰甕舟等寨造船老虎苗人撐渡乾隆丙辰
年縣令劉樵勒石永遠遵照

拔茅渡城東六十里北渡口上通省下通古州東渡
口上通都勻下通凱里

龍頭渡城東五十里凱城西五里爲清凱要渡

巖頭渡城東北五十里龍頭渡下流

排落渡凱南四十里通丹江

挂丁渡凱東四十里通台拱清江

翁蕩渡城東六十里通施秉新城

螭螭渡城東七十五里通台拱

劉窩渡城西北四十里通平超楊義司

都蘭渡城北四十里平良上流

平良渡城北三十六里

重安渡城北四十里界清黃之交船隻及撐渡人役

清黃附近土司辦理夏秋隸黃冬春隸清清撥落

榜司把路寨苗等辦渡專免一切雜派分賑田作

船田有碑記

江口渡重安下流

十字橋城內十字街即過橋人不知處

磚橋城內小街進口處

吳公橋俗傳凡嫁娶者不過此橋

西門橋西門外一里

報捷橋城南門外即寺門橋

章公橋城西南八里

勇勝橋城南五里明邑令王倣建即五里橋

宗伯橋城北門外明尚書孫應鑿建

鼎志卷一
凱旋橋城北三里

鳳凰橋城北九里

三元橋城北二十里李磐基建

三祝橋在大風洞下王鄭建

毛粟莊橋段能惠建

惠潭橋在格登馬嶺坡左萬成劉德盛倡建

蟲擺橋城北二十五里

福德橋在平良兩板橈

繼志橋在樂綿堡監生黃開和建

老董橋城東南二十七里

萬潮橋城東二十里

山澗橋城東十里耆民段明義建俗呼三洞橋今圯
余家橋城東十二里千總余如璵建

雙濟橋城東十八里舉人何啟泰建俗呼何家橋
雙不老橋城東二十里王宇魁建

白巖橋在雙濟橋上陸楊氏建

白巖平橋唐賡虞建

夏公橋城東三十五里庠生夏曰瑚建

舟溪平橋在千箱堡

龍塘橋城北十八里

縣志卷一
上寨橋城北二十五里

平樂堡橋城北二十五里

陶家橋在樂榜監生陶宗藻建

尹家橋在翁蕩小河監生尹占鰲建

雙福橋在城東六十餘里王之鼎馬保富同建今圯

百子橋在雙福橋後半里許馬保富建

友恭橋凱城南十里陳聖詠建

三多橋凱南二十里張廷璧建

平安橋凱城西十五里

餘慶橋凱城西十五里

續輯長坡橋在城南七十里之拔茅堡石礮三洞尹領

氏建

坊表

惠政坊縣署前閤邑因令羅公盛德難忘建坊以志
續輯在今學宮義門外又路地乙卯苗燬

彰善坊在城場壩顧惠張鵬漢德行金著巡撫何題
共坊

旌今圯

孫劉氏節孝坊在城北街

劉王氏節孝坊在城北門外

縣志卷一
王孫氏節孝坊在城北門外

羅雷氏節孝坊在宗伯橋

顧孫氏節孝坊在城北門外

王李氏節孝坊在城北門外

黃方氏節孝坊在城南門外

丁劉氏節孝坊在城南門外今圮

吳夏氏節孝坊在先農壇今圮

羅方氏節烈坊在城北門外今圮

石姚氏節孝坊在大風洞

王李氏節孝坊在大風洞

唐余氏節孝坊在平初堡

王盧氏節孝坊在香爐山

顧程氏節孝坊在香爐山

顧羅氏節孝坊在香爐山

余劉氏節孝坊在舟溪

余顧氏節孝坊在籬桶

胡范氏節孝坊在凱里

張孫氏節孝坊在凱里

胡張氏節孝坊在凱里

李段氏節孝坊在凱里

劉甘氏節孝坊在凱里

雷余氏節孝坊在

楊吳氏節孝坊在小風洞

增馬某氏節孝坊在拔茅堡牌上

鞠姚氏百歲坊在城十字街

黃唐氏百歲坊在城南門外

王顧氏百歲坊在洛登哨

王劉氏百歲坊在香爐山

吳程氏百歲坊在凱里

古蹟塚墓附

入黔問牂牁遊播說龍聖攷古者恒引爲故實清平
黔播片壤事蹟罕傳然城池官署壩堰營壘遺址猶
存如邱觀察望墳瑩留韻譚邑侯觀石刻建亭亦足
見一斑矣

古城俗名舊城在縣南五里明洪武十四年築爲清平堡

後遷於北之仙山今墻壕基址猶存

續輯乙卯苗變庠生黃槐聯團紮於此更名平安營

廢清平長官司在縣南門外

廢公使署在古倉地即今玉皇閣右

鼎志卷一
廢衛指揮署在北門內學宮左

廢衛經歷署在衛署少左

廢駐鎮推官署在衛署正左即今場壩

廢五所守禦千百戶官廳在衛署前即甌橋左右地

廢祭院公廳分司在聖壽寺左右

廢凱里安撫司署即凱城萬壽宮址

廢公溪望城巖巖等處長官司在縣東四十里原隸

葛蠻安撫司今望城爲望城堡公溪爲舟溪堡巖

嶺即今麻哈平定司巖寨

蔡公亭遺址在縣西仙山牌樓石下乾隆五十年僧

會如茂拓地建寺觀石塔植林麓稱巨觀焉
馬軍營在碁盤山下開衛時馬軍駐營處雍正十三
年苗叛揚威將軍哈元生亦營此

石家塘在城南三里大路旁石都督飲馬處

宗伯橋石壁鑿雲晴天影澗山靜水聲幽十字孫文
恭公讀書於此手書鑿石壁筆勢遒勁水石相盪歲
久如新

懷孫亭在宗伯橋側道光十三年邑侯譚焯建

石塔城東三里碁盤石側嘉慶二十五年顧維亮馬
超羣等倡建培邑風水

續輯乙卯苗燬址猶存

營盤坡城東十里在本級塘左與胡家營坡對峙塘
壕猶存樵牧嘗於上拾得礮子

冷風口城北二十里石壁鑱賓服二字相傳明巡撫
鄒文盛平定香爐山鑄石紀功或曰參議蔡潮未
知孰是

望城坡河背二營列萬潮堡左右昔總鎮胡從儀征
苗駐營處

舟溪界口石壁明嘉靖九年土官吳春鑄川貴連方
四字

爐山勝景碑乾隆四十七年邑令雷平立

爐山石壁碑文將軍印明崇正甲戌邑宰謝奉巡按
鄒重刻蓋其先以巡撫征爐山因述師旅事以紀
功也又棋盤石方圓五六尺上有棋局棋子依稀
可辨又石城下前貴東道吳光庭摩巖鑄步南天
三字出谷二字南天門石壁鑄雲梯二字

蔡家營在爐山前霞山蔡公屯兵處

牛場坡凱城南雍正十三年揚威將軍哈元生營此
山下有泉曰金井清冽異常哈令官兵守護供大
營日用

三聖廟凱城西雍正十三年經畧張廣泗駐節於此
塚墓附

明

工部尚書孫應鰲墓在城南三里享堂今祀華表存
左都督石邦憲墓在城北二里石家坪華表翁仲存
巡撫李佑墓在翁沼

都察院左副都御史孫衣墓在平初堡

都指揮同知王敏墓在城外南山

都指揮同知王聚墓在城外南山

鎮國將軍王溱墓在城外南山

監察御史王漳墓在翁河莊

招勇將軍王桓墓在城外南山

監察御史王木墓在翁河莊

教諭王橋墓在翁河莊

知州王樸墓在翁河清水堤

同知王燭墓在翁河阿闢山

知縣王鍊墓在翁河寨山

教諭王煊墓在翁河喜鵲山

監察御史孫哀墓在格登莊

知縣王念祖墓在東郊紙房堤

縣志卷一
教授王從祖墓在城外南山

主簿王習祖墓在翁河莊

教授王鑒祖墓在翁河對面坡

威遠將軍王守元墓在翁河喜鵲山右

奉政大夫王墀墓在翁河喜鵲山

教授王堪墓在翁河開山

教授王銓墓在格疊莊

按察使司王鏞墓在翁河莊

教授王鋌墓在翁河案山

教諭王紱墓在城外南山

兵備副史孔元德墓在楊義司中寨

州牧程志墓在雞公井

刺史注良墓在雲溪洞後

千戶顧仕鳳墓在小都圍

千戶李成墓在北橋

指揮李全墓在北橋

指揮李杲墓在北橋

指揮李仁墓在北橋

指揮李歲墓在翁河清水壩

指揮李友桂墓在南山

知縣張漢墓在下堡

知府李維祐墓在毛栗莊

教授方完墓在鳳凰江

教授方時吉墓在藍家堡

校尉方向義墓在馬槽井左

明威將軍司鐸墓在城南楊柳井

右都督明威將軍司民學墓在城南站外

英勇將軍司顯枝墓在東門壩

右都督揚威將軍司瑜墓在城南站外

同知孫瀚墓在城南較場

知縣孫重墓在城南較場

同知孫全墓在水米莊

通判孫亥墓在城西較場

經歷孫應駒墓在平樂堡

禦蠻將軍武思齊墓在楊老

威夷將軍武人龍墓在上寨

太僕寺卿侯問墓△△

按察副使孫世正墓△△

指揮顧恒墓在遵義

指揮顧顯宗墓在圖雲關

指揮顧誠墓在圖雲關

襲指揮顧△墓在老董

襲指揮顧良相墓在開懷

襲指揮顧駉墓在虎莊

襲指揮顧德政墓在上雞灘

驃騎將軍李啟慈墓在浙港

都指揮李奇墓在西門橋

鎮國將軍李祥墓在西門橋

教諭李純墓在洛登

教授李綬墓在西山

掌印給事中李夔墓在西山

長史蔣良墓在南山河

知縣李蕃墓在洛登

訓導蔣世魁墓在三星伴月

主簿李萃墓在西山

知州李佐墓在白竿

知州李俶墓在平樂堡

巡檢李信墓在葛貢老山

知府李大晉墓在西山

訓導李大朋墓在洛登

學正李大有墓在洛登

知縣李大捷墓在貝洛

經歷李大順墓在五里橋

知府李大元墓在破柴

教授李啟孝墓在洛登

鄉賢舉人李啟慈墓在葛貢

前明名墓不止此第就可攷者載之

國朝

兵部員外郎楊培墓在長坡

刑部郎中包致和墓在凱里北小井

州同李肇基墓在長坡

知縣劉師健墓在西門外

巡檢劉師向墓在鴨塘

教諭劉師寬墓在五里橋

經歷劉廷相墓在舊城

訓導劉暄墓在生棺木

典史劉煦墓在大風洞

教諭劉曙墓在西關外窩蕩

禮部郎中孫錄墓在翁都莊

州判孫鑛墓在博問莊

知縣段大策墓在老虎苗

遊擊孫炳從墓在蝦蟆口營盤坡

知縣李楚墓在葛貢

知縣夏謨允墓在

教諭夏德芳墓在

知縣張素墓杉木坳

訓導丁鳳翹墓在

襲指揮晉廣威將軍顧承勳墓在龍塘

教授顧惠墓在乾塘

知縣顧廷璣墓在修文

知縣顧廷璠墓在舟溪

典史顧溥墓在龍塘

巡檢顧滅墓在鴨塘

巡檢顧廷瓚墓在楓要塞

鹽大使顧瀛墓在蜂塘坡

庫大使孫懋昭墓在平茶

訓導顧維亮墓在龍塘

學正唐廷亮墓在蘿卜塘

縣丞喻章墓在銅鼓塘

義塚

張家凹在北門外

白家凹在東門外

古老墳凱城北大路旁益無碑碣相傳初闢苗疆有
達官沒於王事葬此青塚巋然

萬人墳凱城南門外雍正十三年苗叛城陷男婦死
者近萬人征復後收骸骨葬之謂之萬人墳乾隆
三年丹江通判許錫昌捐貲砌石爲墓訓導武廷
書有記

續輯新築萬人墳清城小北門外同治十一年復城
下游善後總局委員收買骸骨葬之

物產

清平在重山複嶺中雖地瘠民貧亦各有其土所宜之物以資食用如稻梁麻麥杉漆桐茶下及園蔬山果種類亦饒宰茲土者策民之力而厚培之相土之宜而利導之如播州種植蠶桑利甲諸郡聲施遠矣

穀屬

白黏

紅黏

百日黏

麻黏

銀頂黏

早白黏

遲白黏

黃殼黏

早市香

冷水紅

烏香

瓜子糯

大穀糯

牛皮糯

蜂子糯

蠟糯

光頭糯

旱稻

糯小米

飯小米

膏梁

麥屬

老麥

大麥

小麥

紅米麥

白米麥

黑米麥

豆屬

黃豆

黑豆

青皮豆

菜豆

紅豆

飯豆

豇豆

四季豆

蠶豆

豌豆

扁豆

刀豆

羊眼豆

老鼠豆

懶豆

泥鰍豆

木瓜 花紅 櫻桃 銀杏

梅子 林檎 葡萄 石榴

枇杷 香櫟 柑子 橘子

橙子 柚子 桑椹 拐瓜

刺梨 木薑子 棗子

花屬

梅有紅白臘梅
綠萼數種 蘭 海棠 郁李有粉紅
白二種

迎春 楞茶 蘼 碧桃 絳桃 芍藥有紫
白二色

牡丹有粉口紫
紅二色 辛夷 杏花 夾竹桃

槲子 石榴 玉簪有白紫
二色 金銀花

鳳仙

繡毬

洋繡毬

玉蘭

山茶

木槿

有紅白二種

鐵線蓮

旱蓮

蘭蓮

有紅白二色

子午蓮

羊躑躅

七姊妹

薔薇

木香

荷包

玫瑰

月月紅

月月白

滴滴金

百合

山丹

木薑

紫荊

紫薇

藤蘿

粉石竹

胭脂花

萱花

虞美人

蘆荊花

桂花

水桂

月月桂

蜀葵

向日葵

雞冠花

芙蓉

美人蕉

俗名金鳳尾

秋海棠

剪秋蘿

菊花

有數種

小桃紅

水仙

草屬

芭蕉

馬鞭草

虎耳草

燈草

萍

荇藻

雜糧屬

紅稗

毛稗

莠有甜苦二種

玉米

一名包谷

菜屬

白菜

青菜

薹菜

菠菜

苘荳

苦蕒

萵苣

廣菜

莧菜

有紅白二種

馬齒莧

甜菜

蒿菜

芹菜

蕓薹

芋

韭

葱

有分葱伙葱山葱三種

蒜

薑

芫荽

茭筍

蘿菔

有紅黃二種

蕨

春取莖作菜冬挖根搗粉食之荒年賴以救飢

茵

有涼傘青岡奶漿凍茵香茵數種

薺菜

厚皮菜

奶漿菜

蕓菜

地笋

梅

椒

一名水白菜

產團塘水中

瓜屬

香瓜

王瓜

南瓜

冬瓜

金瓜

匏瓜

苦瓜

絲瓜

西瓜

葫蘆

菓屬

麥熟李

雞心李

六月李

苦李

郁李

蚌蛤李

蟠菜李

桃李

甜梨

雪梨

酸梨

香水梨

澁梨

半斤梨

柿栗

核桃

明鏡草 夏枯草 車前草 茅 蓼 莠 蕨
香附草 斷腸草 觀音草 獨脚草 鈴兒草
水燈草 紫草

木屬

松 柏 杉 椿 梧桐 梓 槐 檀 楠 桂 櫟
梨 白揚 栗 冬青 樟 桑 柳 棗 紅稠
麻櫟 梭羅 櫻 榆 白果 杞 茶 蒙子
皂角 白蜡 黃揚 漆 樗

竹屬

箬竹 白竹 苦竹 水竹 刺竹 方竹 箭竹

紫竹 羊羶竹

藥屬

何首烏 仙茅 小茴 川芎 瓜萋 金銀花

益母草 石菖蒲 地骨皮 薏苡 五加皮

澤蘭 苦參 茵陳 桃仁 杏仁 黃精 五倍子

山查 丹皮 女貞子 槐花 橘皮 紫蘇 紅棗

枳實 杜仲 艾 管仲 乾葛 山藥 蓮子 白芍

赤芍 桔梗 淡竹葉 骨碎補 淫羊藿 薄荷

荆芥 牛膝 香附 黃柏 續斷 茨茹 桑椹

天花粉

羽屬

雞 鵝 鴨 鶯 燕 鳩 鴉 鷓鴣 竹雞

鶻 啄木 子規 喜鵲 瓦雀 黃雀

錦雞 野雞 畫眉 百舌 鸚鵡 鷹 鷓 鷓

鷓鴣 布穀 水鴨 點水雀 鸛 白鷺 鴿

山鴿 貓耳頭

毛屬

馬 牛 羊 犬 豕 貓 虎 豹 獐 兔

鼠 野豬 野貓 狐 獺 黃鼠狼 九節狸

獾 麝 山羊

鱗屬

鯉 鯽 鯽 鯽 鮒 鱧 桃花魚 白條魚 青魚

娃娃魚 昂絲魚 七星魚 細鱗魚 介屬

鼈 蚌 螺 蟹 蝦 穿山甲 山螃 蟹

蟲屬

蜂 蛙 蛇 蟬 螢 蛾 蠅 蟻 蚊 蜘蛛

蝙蝠 蚯蚓 螳螂 蟋蟀 螟蛉 蠶 鼠

蜈蚣 蜉蝣 蟾蜍 土蠶 蜻蛉 蛺蝶 百足

貨屬 土布 茶 蜜 茶油 桐油 木油

靛 菸 棉花 漆

縣志卷一終

